



ORANJESTAD(AAN)-Na Surfside Diahuebs anochi tabata tin un recepcion na honor di Kenneth Croes pa cu su hazaña cu el a haci dia 28 di Augustus ultimo landando for di Aruba pa Venezuela.

Un delegacion di Punto Fijo a bin Aruba specialmente pa entrega Kenneth Croes plaquetenan di reconocimiento pa su hazaña.

E delegacion tabata consisti di Dr. Nelson Cabello Mata,

Homenahe di reconocimiento pa Kenneth Croes

Di parti di delegacion Venezolano

presidente di Asamblea legislativa Edo. Falcon, Sr. Andres Eloy Nava Zavala, Presidente di Camara, Comercio y Industria di Paraguana, Dr. Lucas Rodriguez, periodista di Mundial Caribe, Henry Luis Ribollen y sra. Nora, presidente Astillero Mar Caribe, Dra. Coromoto Alvarez y Dr. Roger Anselmi.

Tambe tabata presente Minister Vos cu a gradici e delegacion Venezolano pa e gesto aki.

Radio Carina tambe a ricibi un plaquette di reconocimiento pa e radio cu tabata tin un sintonia total y cu a transmiti full e hazaña anti-droga di Kenneth Croes.

Kenneth Croes di su parti a gradici tambe e delegacion Venezolano pa e bunita gesto y a bisa cu e lo sigui cu su lucha anti-droga.

Palabranan di felicitacion tambe ta bay pa Kenneth Croes kende mañan ta di cumpleaños. Pabien Kenneth y hopi aña mas.

